

ZEKARAIA

ZEKARAIA – JEPTA 1

[1.1] Ilo allõn eo kein ka ruwalitök in iiõ eo kein ka ruo an Dariõs, Naan in Jeova ear itok ñan Zekaraia ri kanaan eo, nejin Berekaia, nejin Iddo, im ba,

[2] “Jeova ear kanooj illu ippån ro jemami.

[3] Innām kwõn ba ñan er, Æindein an Jeova in inelep ba, ‘Komwin jepļaak ñan Ippa,’ Jeova in inelep ej ba, ‘im Inaaj jepļaak ñan kom,’ Jeova in inelep ej ba.

[4] Komwin jab ainwõt ro jemami, ro ri kanaan ro mokta raar kwaļok ñan er im ba: ‘Æindein an Jeova in inelep ba, Komwin oktak kiiõ jån ial ko ami renana im kōmman ko ami renana.’ Ak raar jab roñjake ak eļtok ñan Eõ,’ Jeova ej ba.

[5] Ewi ro jemami kiiõ? Im ri kanaan ro, rej mour indeeo ke?

[6] Ak naan im kakien ko Aõ ko Iar jiroñ ro ri karijera, ri kanaan ro, raar jab jejjet ñan ro jemami ke? Innām raar ukeļok im ba, “Æinwõt an Jeova in inelep kar pepe in kōmman ñan kōj ekkar ñan ial ko ad im kōmman ko ad, Æindein Ear kōmman ñan kōj.”

[7] Ilo raan eo kein ka roñoul emån in allõn eo kein ka joñoul juon, eo ej allõn in Sebat, ilo iiõ eo kein ka ruo an Dariõs, Naan in Jeova ear itok ñan Zekaraia, ri kanaan eo, nejin Berekaia, nejin Iddo, im ear Æindein:

[8] “Ilo boñ iar reiļok, im lo, ear wor juon armej eo ear uwe ion juon kiria bürörõ. Im ear jutak ibwiljen wōjke mōrtel ko ilo juon komlaļ. Im ālikin, ear wor elõn kiria ko re bürörõ, kūre, im mouj.

[9] Innām iar ba, ‘Aõ irooj, ta meļeļein men kein?’ Im enjeļ eo ear kōnono ippa ear ba ñan eõ, ‘Inaaj kwaļok ñan eok ta men kein.’

[10] Im armej eo ear jutak ibwiljin wōjke mōrtel ko ear uwaak im ba, ‘Rein ro Jeova ear jilkinļok bwe ren itoitak ilo laļ.’

[11] Innām raar uwaak enjeļ in Jeova Eo ear jutak ibwiljen wōjke mōrtel ko im ba, ‘Kōm ar itoitak ilo laļ, im lo, aolepen laļ e tōt wõt im aenōmman.’

[12] Innām enjeļ in Jeova ear uwaak im ba, ‘O Jeova in inelep, ñan ñãāt enaaj ejjeļok Am tūriamo ñan Jerusalem im jikinkwelok ko in Juda, me Kwar illu ippaer iumwin jiljilimjuonñoul iiõ kein?’

[13] Innām Jeova ear uwaak enjeļ eo ear kōnono ippa kōn naan ko remman, naan in kaenōmman.

[14] Im enjeļ eo ear kōnono ippa ear ba ñan eõ, “Kwõn kwaļok im ba, ‘Æindein an Jeova in inelep ba, Ij kamo kōn Jerusalem im Zaion kōn juon kamo eļap.

[15] Ak I lukkuun illu ippån aelõn ko rej kakkije; bwe e kar dik Aõ illu ippaer, ak raar kaļapļok jorrään eo.’

[16] Kōn men in, Æindein an Jeova ba, ‘Inaaj roļ ñan Jerusalem kōn tūriamo; naaj kalek mweo imõ ilo e,’ Jeova in inelep ej ba, ‘im naaj erļoke juon to ion Jerusalem.’

[17] Im bar kwaļok im ba, ‘Æindein an Jeova in inelep ba, jikinkwelok ko Aõ renaaj orļok ilo jeraamman, im Jeova enaaj bar kaenōmman Zaion im bar tūriamokake Jerusalem.’”

[18] Innām Iar reiļok im lale, im lo, ear wor emån doon.

[19] Im iar ba ñan enjeļ eo ear kōnono ippa, “Ta men kein?” Im ear ba ñan eõ, “Erkein doon ko raar kejeplōklōk Juda, Israel, im Jerusalem.”

[20] Im Jeova ear kwaļok ñan eō emān ri jermal.

[21] Innām iar ba, “Rein rej itok bwe ren kōmman ta?” Im ear kōnono im ba, “Men kein rej doon ko raar kejeplōklōk Juda bwe ejjelok armej en maroñ in majed. Ak rein rej itok bwe ren kalōññoñ er im jolaļok doon kein an aelōñ ko me raar kotak doon ko aer ñae āne in Juda bwe ren kejeplōklōk e.”

ZEKARAIA – JEPTA 2

[2.1] Im Iar reiļok im lale, im lo, ear wor armej, im ilo pein ear wor juon to in joñwe.

[2] Im iar ba, “Kwōj ilen ta?” Im ear ba ñan eō, “Ñan joñwe Jerusalem im lo ta rabakbaken im aitoken.”

[3] Im lo, enjeļ eo ear kōnono ippa ear etal, im bar juon enjeļ ear ilen wōnmae e.

[4] Im ear ba ñan e, “Kwōn ettōr; kōnono ñan likao en im ba, enaaj wor armej ilo Jerusalem, im enaaj āinwōt juon jikinkwelok ejjelok an oror kōn an lōñ armej im men in mour ilo e.

[5] Im Ña, Inaaj juon oror in kijeek ñan e,” Jeova ej ba, “im Inaaj aiboojoj ilo e.”

[6] “A! A! Komwin ko jān āneo eañ,” Jeova ej ba, “bwe iar kejeplōklōk kom āinwōt kōto ko emān an lañ,” Jeova ej ba.

[7] “O Zaion, kwōn ko, kwe eo kwōj jokwe ippān jiroñ eo nejin Babilon!”

[8] Bwe āindein an Jeova in inelep ba, “Ālikin aiboojoj eo, Ear jilkinļok eō ñae aelōñ ko raar rakimi kom, bwe eo ej uññūr kom ej uññūr ijuun Mejan.

[9] Bwe lo, Inaaj kōppālpāl Peiō ioer, im renaaj men in rakim ñan ri karijeraer. Innām kom naaj jeļā bwe Jeova in inelep ear jilkintok eō.

[10] “Kwōn lamōj im lañlōñ, jiroñ eo nejin Zaion, bwe lo, Ij iwōj im Inaaj jokwe ibwiljōm,” Jeova ej ba.

[11] “Im ilo raan eo elōñ aelōñ renaaj koba ippān Jeova, im renaaj armej ro doō. Im Inaaj jokwe ibwiljōm, im kwōnaaj jeļā bwe Jeova in inelep ear jilkintok eō ñan eok.

[12] Im Jeova enaaj jolōt Juda, ajenkij eo An, ilo āneo e kwōjarjar; im Enaaj bar kāālōt Jerusalem.

[13] Komwin ikōñ, aolep kanniōk, imaan Jeova, bwe emōj An ruj jān jikin kwōjarjar eo An.

ZEKARAIA – JEPTA 3

[3.1] Innām ear kwaļok ñan eō Joshua, pris eo eļap, im ear jutak imaan Enjeļ in Jeova, im Setan ear jutak i anbwijmaroñōn bwe en kinaakļok e.

[2] Im Jeova ear ba ñan Setan, “Jeova en kauweik eok, Setan! Aet, Jeova, Eo ear kāālōt Jerusalem, En kauweik eok! Eñin e jab juon aļaj emōj bōk e jān kijeek?

[3] Im Joshua e kōñak kōn nuknuk ko re ttoon, im ear jutak imaan Enjeļ eo.

[4] Innām ear uwaak im kōnono ñan ro raar jutak iturin im ba, “Komwin joļok nuknuk ko re ttoon jān e.” Im Ear ba ñan e, “Lale mōk, emōj Aō joļok bōd ko am, im Inaaj kanuknuk eok kōn nuknuk ko remman.”

[5] Im Iar ba, “Ren likūt juon tōrban erreio ion bōran. Innām raar likūt juon tōrban erreio ion bōran, im raar kanuknuk e ke Enjeļ in Jeova ear jutak iturin.

[6] Innām Enjeļ in Jeova ear jiroñ Joshua im ba,

[7] “Āindein an Jeova in inelep ba, Ejaññe kwō naaj etal ilo ial ko Aō, im ejaññe kwō naaj kōjparok naan in jiroñ ko Aō, innām kwō naaj irooj ioon m̄weo imō, im barāinwōt kwō naaj bōk eddo kōn oror ko Aō. Im Inaaj lewōj jikōm̄ ibwiljen rein rej jutak.

[8] Kiiō, kwōn roñjake, Joshua, pris eo eļap, kwe im ro mōttam̄ ro rej jijet iṃaam̄, aet, rein rej juon kakōļle. Bwe lo, Inaaj bōktok Ri Karijera, Ra eo.

[9] Bwe lale dekā eo Iar likūti iṃaan Joshua. Ewor jiljilimjuon mej ioon juon wōt dekā. Lo, Inaaj m̄alen juon jeje ioon,” Jeova in inelep ej ba, “im Inaaj joļok bōd ko an ānin ilo juon wōt raan.

[10] Im ilo raan eo,” Jeova in inelep ej ba, “jabdewōt iami enaaj kūrtoke eo mōttan ium̄win vain im ium̄win wōjke fig eo an.”

ZEKARAIA – JEPTA 4

[4.1] Innām enjeļ eo e kar kōnono ippa ear roļtok, im ear kōruj eō āinwōt juon armej eo emōj kōruj e jān an kiki.

[2] Im ear ba ñan eō, “Ta ɳe kwōj loe?” Im iar ba, “Ij reiļok, im lo, juon jikin lamp, gold aolepen, im juon bowl ilōñin, im ewor jiljilimjuon lamp ioon, im ewor jiljilimjuon paip ñan jabdewōt lamp me ej ilōñ.

[3] Im ewor ruo wōjke oliv iturin. Juon anmoonin bowl eo im eo juon anmiiñin.”

[4] Innām iar uwaak im kōnono ñan enjeļ eo ear kōnono ippa im ba, “Ta men kein, aō irooj?”

[5] Im enjeļ eo ear kōnono ippa ear uwaak im ba ñan eō, “Kwō jab jeļā ta men kein ke?” Im iar ba, “Jaab, aō irooj.”

[6] Im ear uwaak im kōnono ñan eō im ba, “Eñin naan in Jeova ñan Zirubbabel im ba, ‘Jab kōn maroñ, im jab kōn kajoor, ak kōn Jetōb eo Aō,’ Jeova in inelep ej ba.”

[7] Ta kwe, toļ eo eļap? Iṃaan Zirubbabel kwōnaaj juon jikin piken wōt juon. Im enaaj āñintok dekā eo ilōñ ke rej ba, ‘Jouj, jouj ñan e.’

[8] Innām naan in Jeova ear itok ñan eō im ba,

[9] “Pein Zirubbabel raar likūt foundesōn an m̄wiin, im pein renaaj kamōjļok e. Innām kwō naaj jeļā bwe Jeova in inelep ear jilkinwōj eō ñan eok.

[10] Bwe wōn ej kajekdoon raan in men ko re dik? Ak renaaj lañlōñ ñe rej lo kein kōm̄man ju ilo pein Zirubbabel; rein jiljilimjuon rej mejen Jeova me rej reito reitak ilo aolepen laļ.”

[11] Innām iar kōnono im ba ñan e, “Ta wōjke oliv kein ruo ko rej anmoonin jikin lamp eo im anmiiñin?”

[12] Im iar kōnono alen ruo im ba ñan e, “Ta raan oliv kein ruo ko rej iturin pipe gold ko ruo, im rej toorļok oil e gold jān er?”

[13] Im ear kōnono im ba ñan eō, “Kwō jab jeļā ke ta men kein?” Im iar ba, “Jaab, aō irooj.”

[14] Im ear ba ñan eō, “Rein rej ruo emōj kapit er im rej jutak iturin Irooj in aolepen laļ.”

ZEKARAIA – JEPTA 5

[5.1] Innām iar bar reiļok im lale, im lo, ear wor juon bok e limlim eo ear keļok.

[2] Im ear ba ñan eō, “Ta eo kwōj loe?” Im iar ba, “Ij lo juon bok e limlim eo ej keļok. Aitoken ej roñoul kubit, im depakpakim joñoul kubit.”

[3] Im ear ba ñan eō, “Eñin lia eo ej diwōj]lok ioon mejan aolepen la]. Ekkar ñan jeje eo ilo rājet, renaaj jo]lok jabdewōt eo ej ko]ot; im ekkar ñan jeje eo ilo rājet eo juon, renaaj jo]lok jabdewōt eo ej kanejne].

[4] Im Inaaj kadiwōj]lok e,” Jeova in inelep ej ba, “im enaaj de]oñ ilo mweo imōn ri ko]ot eo im ilo mweo imōn eo e riab an kanejne] ilo Eta. Im enaaj pād wōt ilo mween im kanooj ko]kkure e, koba a]a] im dekā ko an.”

[5] Innām enjel eo ear kōnono ippa ear itok. Im ear ba ñan eō, “Kwōn rei]lok im lale. Ta men in eo ej diwōj]lok?”

[6] Im iar ba, “Ta men in?” Im ear ba, “Eñin epa eo ej diwōj]lok.” Im ear ba, “Eñin wāween ilo aolepen la].”

[7] Innām lo, ar kotak mejen led eo, im ear wor juon kōrā eo ear jijet ilo epa eo.

[8] Im ear ba, “Eñin nana!” Innām ear iun]lok e ñan lowan epa eo, im ear likūt mejen led eo ion epa eo.

[9] Innām iar rei]lok im lale, im lo, ear wor ruo kōrā raar etal]ok, im ear wor kōto ilo pein bao ko aer. Bwe elōñ aer pein bao ainwōt pein bao stork. Im raar kotak epa eo ikōtaan la] im lañ.

[10] Im iar ba ñan enje] eo ear kōnono ippa, “Rej bōk]ok epa eo ñan ia?”

[11] Im ear ba ñan eō, “Ñan kalek juon em ñan e ilo āne in Sainar. Im ñe e pojak, renaaj likūt e ie ioon lōñtan.

ZEKARAIA – JEPTA 6

[6.1] Im iar bar rei]lok im lale, im lo, ear wor emān jariot ko raar itok jān ikōtaan ruo to]. Im to] kein rej to] jinibōrōrō.

[2] Ear wor kiria ko re bōrōrōr ippān jariot eo mo]kta, im kiria ko kilmeej ippān jariot eo kein ka ruo,

[3] kiria ko re mouj ippān jariot eo kein kajilu, im kiria ko re libijinjin im kajoor ippān jariot eo kein ka emān.

[4] Innām iar kōnono im ba ñan enje] eo ear kōnono ippa, “Ta men kein, aō irooj?”

[5] Im enje] eo ear uwaak im ba ñan eō, “Rein rej emān jetōb an lañ ro rej diwōj]lok jān aer jutak imāan Irooj in aolepen la].

[6] Eo kōn kiria ko re kilmeej ej etal]ok ñan āneo eañ, im ko re mouj rej]oor er. Im ko re libijinjin rej etal]ok ñan āneo rōk.

[7] Ke ko re kajoor raar etal]ok, raar kijerjer in etal im itoitak ilo la]. Innām Ear ba, “Ko]win etal; itoitak ilo la].” Im raar itoitak ilo la].

[8] Innām Ear kūr eō im kōnono ippa im ba, “Lale, ro rej etal]ok ñan āneo eañ raar kaikōñ Aō Jetōb ilo āneo eañ.”

[9] Innām naan in Jeova ear itok ñan eō im ba,

[10] “Kwōn bōk jān ri jipokwe ro, jān Heldai, Tobaija, im Jedaia. Im kwōn etal ilo raan eo wōt im de]oñ ilo mōn Josaija, nejin Zepanaia, ijo raar itok jān Babilon.

[11] Im kwōn bōk silver im gold, im kōmman juon crown. Innām kwōn likūt e ioon bōran Joshua, nejin Jehozadak, pris eo e]ap.

[12] Im kwōn kōnono ippān im ba, “Āindein an Jeova in inelep kōnono im ba, ‘Lo, enaaj wor juon armej, etan ‘Ra,’ im Enaaj eoñ jān jikin, im Enaaj kalek tempel an Jeova.

[13] Aet, Enaaj kalek tempel in Jeova, im Enaaj bōk nōbar. Im Enaaj jijet im irooj ion tūroon eo An. Im Enaaj pris ion tūroon eo An, im enaaj wor aenōmman ikōtaan men kein ruo.”

[14] Im crown eo enaaj juon kein keememej ñan Helem, im Tobaija, im Jedaia, im Hen, nejin Zepanaia, ilo tempel an Jeova.

[15] Im ro rej ettoḷok renaaj itok im kalek tempel an Jeova. Innām koḿ naaj jeḷā bwe Jeova in inelep ear jilkinwōj Eō ñan koḿ. Im men in enaaj waḷok eḷañne koḿ naaj kanooj pokake ainikien Jeova ami Anij.”

ZEKARAIA – JEPTA 7

[7.1] Im ilo iiō eo kein ka emān an Kiñ Dariōs, naan in Jeova ear itok ñan Zekaraia ilo raan eo kein ka emān in allōñ eo kein ka ruwatimjuon, Kislev.

[2] Ro ri Betel, re kar jilkinḷok Sharezer, im Regem-melek, im armej ro doeir ippaer, bwe ren kajjitōk imaan Jeova,

[3] im kōnono ñan pris ro raar ilo mōn Jeova in inelep, im ñan ri kanaan ro, im ba, “In jañ ilo allōñ eo kein ka ḷalem im makeḷok iaō, ainwōt iar kōmmane iumwin elōñ iiō ke?”

[4] Innām naan in Jeova in inelep ear itok ñan eō im ba,

[5] “Kwōn kōnono ñan aolep armej in āneo im ñan pris ro im ba, ‘Ke koḿ ar jitḷok im liaajḷoḷ ilo allōñ ko kein ka ḷalem im kein ka jiljilimjuon ilo iiō kein jiljilimjuonñoul, mool ke, Ña eo koḿ ar jitḷok ñan e ke?’

[6] Im ke koḿ ar mōñā im idaak, koḿ ar jab mōñā im idaak ñan koḿ make ke?

[7] Erkein re jab naan ko Jeova ear kwaḷok kōn ri kanaan ro mokta ke, ke ear lōñ ri jokwe ilo Jerusalem im ear jeraamman, e im jikinkwelok ko iturin, im elōñ raar jokwe ilo Negeb eo im iturin toḷ ko?”

[8] Innām naan in Jeova ear itok ñan Zekaraia im ba,

[9] “Āindein an Jeova in inelep ba, Koḿwin ekajet jimwe im kwaḷok jouj im tūriamo, jabdewōt ñan mōttan.

[10] Im koḿwin jab kamatōrtōr kōrā e jako pāleen, eo e atajinemjen, ruwamāejet eo, im eo e jeraḿōl. Im koḿwin jab ḷōmḿak nana ilo būruemi ḥae doon.

[11] Ak raar abwin eḷtok, im raar ukōt aereir kōn aer būruon kūro. Im raar pinej ḷojilñier bwe ren jab roñjake.

[12] Im raar kōmman bwe būrueir ren ainwōt deka e pen bwe ren jab roñjake kien im naan ko Jeova in inelep ear jilkinḷok kōn Jetōb eo An, kōn ri kanaan ro mokta ḷok. Innām illu eḷap ear waḷok jān Jeova in inelep.

[13] Innām ainwōt Ear kūr, im raar jab roñjake, raar kūr, im Iar jab roñjake,” Jeova in inelep ej ba.

[14] Kōn men in, Iar ubaakeḷok er kōn juon kōto ibwiljen aolep aelōñ ko raar jaje kajjier. Im āneo ear jeepeḷok ālikier, im ejjeḷok ear itok ak etal. Im rar likūt bwe āne eo emman en jeepeḷok.

ZEKARAIA – JEPTA 8

[8.1] Im naan in Jeova in inelep ear itok im ba,

[2] “Äindein an Jeova in inelep ba, Ij kaṃo kōn Zaiṃ kōn juon kaṃo eḷap, im Ij kaṃo kōn e kōn juon illu eḷap.

[3] Äindein an Jeova ba, Inaaj roḷ ṃan Zaiṃ im jokwe ilo Jerusalem. Im naaj ṃa etan Jerusalem ‘jikinkwelok in ṃool,’ im toḷ in Jeova in inelep, ‘toḷ e kwōjarjar.’

[4] Äindein an Jeova in inelep ba, Elōñ ḷōḷḷap im lōḷḷap renaaj bar jijet ilo ial ko an Jerusalem, jabdewōt ippān jokoṃan kōn an rūtto.

[5] Im ial ko an jikinkwelok eo renaaj obrak kōn ḷaddik im leddik ro rej ikkure ie.

[6] Äindein an Jeova in inelep ba, “Eḷaññe e kabwilōñlōñ men in iṃaan mejen armej rein rej pād wōt ilo raan ko, enaaj kabwilōñlōñ iṃaan Meja ke?” Jeova in inelep ej ba.

[7] Äindein an Jeova in inelep ba, “Lo, Inaaj ḷoṃoḷoren armej ro doō jān āneo reear im āneo rālik.

[8] Im Inaaj āñintok er, im renaaj jokwe ilo Jerusalem. Innām renaaj armej ro doō, im Ńa, Inaaj Anij eo aer ilo ṃool im wānōk.”

[9] Äindein an Jeova in inelep ba, “En kajoor peōmi, koṃeo koṃij eḷoñ, ilo raan kein, naan kein jān loñin ri kanaan ro, ro raar pād ilo raan eo eṃōj likūt ḷoñtakin ṃōn Jeova in inelep bwe en jutak tempel eo.

[10] Bwe ṃokta jān iien eo ekar wor ejjeḷok oṃean armej ak men in mour. Im kōn ri kōjdāt ro, ear ejjeḷok aenōṃṃan ṃan eo ear diwōj ak eo ear deḷoñ, bwe Iar likūt jabdewōt armej ṃae ri turin.

[11] Ak kiiō, I ban kōṃṃan ṃan ro rej pād wōt ian armej rein āinwōt ilo raan ko ṃokta ḷok,” Jeova in inelep ej ba.

[12] Bwe enaaj jeraaṃṃan ine, vain enaaj jebar leen, im laḷ enaaj kwaḷok an orḷok, im lañ enaaj kwaḷok ṃōḷowi. Im Inaaj kōṃṃan bwe armej rein rej pād wōt ren jolōt men kein otemjej.

[13] Im āinwōt kwar juon men in kalia ibwiljen ri aelōñ ko, O ṃōn Juda im ṃōn Israel, āindein Inaaj ḷoṃoḷoren koṃ, im koṃ naaj men in kajeraaṃṃan. Koṃwin jab mijak; en kajoor peōmi.”

[14] Bwe āindein an Jeova in inelep ba, “Äinwōt Iar pepe in koḷkure koṃ kōn an ro jememi kar kakūtōtōik Eō ṃan illu,” Jeova in inelep ej ba, “im Iar jab oktak,

[15] āindein Ij bar pepe ilo raan kein in kōṃṃan eṃṃan ṃan Jerusalem im ṃōn Juda. Koṃwin jab mijak!

[16] Erkein men ko koṃwin kōṃṃani: koṃwin kōnono ṃool, jabdewōt ippān eo juon; koṃwin ekajet ilo ṃool im jimwe bwe en wor aenōṃṃan ilo kōjām ko ami.

[17] Im ejjeḷok en kine nana ilo būruen ṃae bar juon, im koṃwin jab kōṃaan kanejneḷ riab, bwe Ij dike aolepen men kein,” Jeova ej ba.”

[18] Innām Naan in Jeova in inelep ear itok ṃan eō im ba,

[19] “Äindein an Jeova in inelep ba, jitḷok in allōñ eo kein ka emān, im jitḷok in allōñ eo kein ka ḷalem, im jitḷok in allōñ eo kein ka jiljilimjuon, im jitḷok in allōñ eo kein ka joñoul renaaj iien lañlōñ im ṃōḷoḷō im kwōjkwōj reṃṃan ṃan ṃōn Juda. Innām koṃwin yokwe ṃool im aenōṃṃan.”

[20] Äindein an Jeova in inelep ba, “Enaaj itok wōt armej im ro rej jokwe ilo elōñ jikinkwelok.

[21] Im ro rej jokwe ilo juon jikin renaaj etal ṃan ippān ro ilo bar juon jikin im ba, ‘Jen etal kiiō ṃan jar ṃan Jeova im ṃan pukōt Jeova in inelep. Ńa, ij etal barāinwōt.’

[22] Im elōñ armej im aelōñ ko re kajoor renaaj itok ṃan pukōt Jeova in inelep ilo Jerusalem im ṃan jar ṃan Jeova.”

[23] Āindein an Jeova in inelep ba, “Ilo raan eo joñoul armej jān aelōñ ko in kajin otemjej renaaj jibwe tōrerein nuknuk an juon ri Ju im ba, ‘Kōmin etal ippemi, bwe kōmij roñ bwe Anij ej ippemi.’”

ZEKARAIA – JEPTA 9

[9.1] Lomijen naan in Jeova ej ñae āneen Hadrak, im Damaskōs enaaj jikin kakkije eo an; (bwe mejen armej im aolep bwij ko an Israel rej ñan Jeova),

[2] im barāinwōt Hemat eo ej i tōrerein, im Tair im Saidon meñe eļap aer kapeel.

[3] Tair ear kalek juon an mōn bar ekajoor, im ear ejaake silver āinwōt būñalñal, im gold āinwōt bwidej in ial ko.

[4] Lo, Irooj enaaj joļok e, im Enaaj man kajoor eo an ioon lojet, im enaaj bwil kōn kijeek.

[5] Ashkilon enaaj loe im mijak, im Geza enaaj wūdiddid, kab Ekron, bwe men in katmāne eo an e aemedļok. Im e jako kiñ eo jān Geza, im enaaj ejjeļok ri jokwe ilo Ashkilon.

[6] Im ruwamāejet renaaj jokwe ilo Ashdod, im Inaaj bukwe juwa an ro ri Pilistin.

[7] Im Inaaj joļok bōtōktōk jān loñier, im men in kajōjō ko jān ikōtaan ñier. Innām renaaj armej rej pād wōt ñan ad Anij, im āinwōt ro ri tōl ilo Juda, im Ekron enaaj āinwōt ro ri Jibus.

[8] Ak Inaaj pād iturin mweo Imō kōn an wor jar in tariñae im ro rej etal im bar itok. Im ejjeļok ri kamātōrtōr enaaj bar iļok ñan ippaer, bwe kiiō, emōj Aō lo kōn Meja.

[9] Kwōn kanooj lañlōñ, kwe, jiroñ eo nejin Zaion; kwōn lañōj kōn mōñōñō, jiroñ eo nejin Jerusalem! Lo, Kiñ eo am ej iwōj; E wānōk im ewor lomōor Ippān; ettā, im Ej uwe ion juon ass im ioon juon koñ, nejin ass kokōrā.

[10] Im Inaaj bukwe jariot ko jān Ipreim im kiria ko jān Jerusalem, im naaj bukwe lippon in tariñae. In enaaj kwaļok aenōmman ñan ri aelōñ ko, im Enaaj Irooj jān lojet ñan lojet, im jān River eo ñan jabōn laļ.

[11] Im kōn kwe, kōn bōtōktōken bujen eo Aō ippam, Inaaj kanemkwōj ri kalbuuj ro am jān roñ eo me ejjeļok dān ie.

[12] Koñwin roļ ñan me ekajoor, koñ ri kalbuuj ro ewor ami kōjatdikdik. Rainin wōt Ij kwaļok bwe Inaaj bar lewōj alen ruo.

[13] Bwe Inaaj kiele Juda āinwōt lippon eo Aō; Inaaj kobrak Ipreim, im Inaaj kwōruj ro nejōm maan, O Zaion, ñae ro nejōm maan, O Gris, im Inaaj kōmman eok bwe kwōn āinwōt jāje an juon ri ekajoor.

[14] Im renaaj lo Jeova ilōñeir, im made eo An enaaj keļok āinwōt jarom. Im Irooj Jeova enaaj ukwe jilel eo im etal ilo lañ ko an rōk.

[15] Jeova in inelep enaaj kouk er. Im renaaj koñkure im anjo ioon dekā in buwat. Im renaaj idaa im keroro āinwōt kōn wain. Im renaaj mat āinwōt bowl ko, āinwōt koña ko an lokatok eo.

[16] Im Jeova aer Anij enaaj lomōoren er ilo raan eo āinwōt bwij an ro doon. Renaaj āinwōt dekā ko ilo juon kūrawūn ko rej rabōlbōl ilo āneo An.

[17] Enaaj ļap aer emman im aiboojoj! Grain enaaj kakajoor likao ro, im wain virjin ro.

ZEKARAIA – JEPTA 10

[10.1] Koñwin kajjitōk ippān Jeova kōn wōt ilo iien wōt āliktata; ej Jeova Eo ej kōmman kōdo in wōt. Im Enaaj leļok ñan er wōt mijeljel, im men in eddek ilo meļaañ ñan jabdewōt armej.

[2] Bwe ekjab ko rej kwalok nana, im ro ri madmod rej lo men ko re riab, im rej kwalok tonak ko re bod. Ejjelok tokjan aer kaenomman. Kon men in, rej jebwabwe ainwot sip, emoj kamatorator er bwe ejjelok seperd.

[3] Ao illu e bwil nae seperd ro, im Inaaj kajeik got ko; bwe Jeova in inelep ear lojok bwij eo An, mon Juda, im Enaaj komman er bwe ren ainwot kiria ko remman ilo tariuae.

[4] Jan er dekā in koa enaaj itok, im doon eo, im lippon in tariuae, im aolep irooj jimor.

[5] Im renaaj ainwot armej re kajoor ro rej juri ilo pedkat ilo ial ko ilo tariuae. Im renaaj tariuae, bwe Jeova enaaj ipaer; im ro rej uwe ion kiria ko renaaj jook.

[6] Im Inaaj kakajoor mon Juda im lomogoren mon Josep im kajeplaaktok er, bwe Iar turiamokake er. Im enaaj ainwot Iar jab jolok er, bwe Na, Jeova aer Anij, im Inaaj uwaak er.

[7] Im Ipreim enaaj ainwot juon armej e kajoor, im burueir renaaj lailon ainwot kon wain. Im ro nejeir renaaj loe im monon; burueir renaaj lailon ilo Jeova.

[8] Inaaj kurtok er im kokweloktok er, bwe Iar lomogoren er; im renaaj lon ainwot mokta.

[9] Mehe Ij kejeploklok er ibwiljen ri aelon ko, renaaj keememej Eo ilo jikin ko rettolok, im er im ro nejeir renaaj mour im bar itok.

[10] Im Inaaj kajeplaak er jan ahe in Ijpt, im Inaaj kokweloktok er jan Assiria. Inaaj aaintok er nan ahe in Giliad im Lebanon mae ien ejjelok bar jikier.

[11] Im Enaaj ella ilo lomalo in eantaan, im deont no ko in lometo, im aolep jikin ko re mwilal an river Nail renaaj mora lok. Im enaaj jolalok juwa eo an Assiria, im jokwonon Ijpt enaaj etal.

[12] Im Inaaj kakajoor er ilo Jeova, im renaaj etetal ilo Etan,” Jeova ej ba.

ZEKARAIA – JEPTA 11

[11.1] Kwon kapelok kojām ko am, Lebanon, bwe kijeek en tile wōjke aik ko am.

[2] Kwon limō, wōjke pain, bwe emoj an buñ wōjke aik, bwe emoj kokkure wōjke ko remman. Komwin limō, wōjke ok ko an Beshan, bwe emoj an buñ bukwon wōjke e kut.

[3] Ewor ainikien limō an ro ri seperd, bwe e jako aer aiboojoj. Ewor ainikien norror in laion ko re dik, bwe e jorraan jikin emman an Jordan.

[4] Aindein an Jeova ao Anij ba, “Kwon naajdik bwij eo renaaj mani.”

[5] Ro rej wiaik er rej man er, im ejjelok aer kaje. Ro rej wiakake er rej ba, ‘Nobar Jeova, bwe I mweie!’ Im seperd ro aer re jab turiamokake er.

[6] Bwe I ban bar turiamokake ro rej jokwe ilo aheo,” Jeova ej ba. “Im lo, Inaaj lelok jadbewot armej na ilo pein ri turin im pein kin eo an, im renaaj kokkure aheo, im I ban lomogoren er jan peir.”

[7] Innām iar seperd bwij eo renaaj mane, elaptata, ko re monjo an bwij eo. Im Iar bok ruo alal. Juon iar na etan “jouj,” im eo juon iar na etan “ippān doon.” Im iar seperd bwij eo.

[8] Ilo juon allon iar jolok seperd ro jilu, bwe Iar mok kon er, im raar dike eo.

[9] Innām iar ba, “I ban seperd kom. En mej eo enaaj mej, im en jako eo enaaj jako, im ro rej pad wot ren kan kanniken doon.”

[10] Innām iar bok alal eo ao, Jouj, im iar bwiloke, bwe in kokkure bujen eo ao eo iar kommane ippān aolep armej.

[11] Im ar kokkure ilo raan eo. Im ro re monjo an bwij eo, ro raar lale eo, rar jela bwe ear naan in Jeova.

[12] Innām iar ba ñan er, ‘Eļañņe emman ippemi, komwin letok oņeaō; ak eļañņe jab, āinwōt juon.’ Im raar joņwe oņeaō: jilñoul mōttan silver.

[13] Innām Jeova ear ba ñan eō, ‘Kwōn joļok ñan ri kōmman jāpe oņeaō emman eo raar watōk oņeaō.’ Im iar bōk mōttan silver ko jilñoul im juļoki ilo mōn Jeova ñan ri kōmman jāpe.

[14] Innām iar bwiļok aļa] eo aō kein ka ruo, “Ippān doon,” bwe in kōkkure jemjein jemjaten ikōtaan Juda im Israel.

[15] Im Jeova ear ba ñan eō, “Kwōn bōk wōt kein jermal ko an juon seperd e bwebwe.

[16] Bwe lo, Inaaj kajutak juon seperd ilo āneo eo e ban loļok ro re jako, e ban pukōt ro re jeplōklōk, e ban kemour ro re kinejne, e ban kakajoor eo ej jutak wōt; bōtab enaaj kañ kanniōkin eo e kilep im tumi akiin neir.

[17] Jerata ñan seperd waan eo ej iļok jān bwij eo. Juon jāje en ioon pein, im ioon mejen anmoōņ. Pein en kanooj mōrāļok, im mejen anmoōņ en kanooj marok!”

ZEKARAIA – JEPTA 12

[12.1] Eñin lomijen naan in Joeva kōn Israel. Jeova, Eo ej erļokwe lañ ko, im likūt lōñtōn la], im kōmanman jetōb in armej ilo e, Ej ba:

[2] Lo, Inaaj kōmman bwe Jerusalem en juon kab eo ej kōmman bwe armej otemjej ipelaakin ren addeboulul. Im ñe rej nitbwile Jerusalem, renaaj nitbwile Juda.

[3] Im ilo raan eo, Inaaj kōmman bwe Jerusalem en juon dekā eddo ñan aolep armej. Aolep ro rej kajjioñ in kotak e renaaj make kōkkure er. Im aolep aelōñ ko an la] renaaj koba ippān doon ñae e.

[4] Im ilo raan eo,” Jeova ej ba, “Inaaj kōmman bwe jabdewōt kiria en wiwijet, im ri uwe en wūdeakeak. Bōtab, Inaaj lale mōn Juda. Im Inaaj kapilo aolep kiria an ri aelōñ ko.

[5] Innām ro ri tōl an Juda renaaj ba ilo būrueir, “Ro rej jokwe ilo Jerusalem rej aō kajoor kōn Jeova in inelep aer Anij.”

[6] Ilo raan eo, Inaaj kōmman bwe ri tōl ro in Juda ren āinwōt juon nien kijeek ibwiljen elōñ mōttan aļa], im āinwōt juon pāle in kijeek ibwiljen tir ko. Im renaaj tile aolep aelōñ ko ipelaakeir i anmoōņ im i anmiiñ. Ak ro rej jokwe ilo Jerusalem renaaj pād wōt ilo jikier, ilo Jerusalem.

[7] Im Jeova enaaj lōmōoren im nuknuk ko an Juda mōkta, bwe aiboojoj an mōn Devid im aiboojoj an ro rej jokwe ilo Jerusalem ren jab ļap jān Juda.

[8] Ilo raan eo, Jeova enaaj jipañ ro rej jokwe ilo Jerusalem, im ilo raan eo, armej eo e mōjņo ibwiljeir enaaj āinwōt Devid. Im mōn Devid enaaj āinwōt Anij, āinwōt enje] in Jeova imaer.

[9] Im ilo raan eo, Inaaj pukōt bwe in man aolep aelōñ ko rej jumae Jerusalem.

[10] Im Inaaj lutōk]ok ioon mōn Devid im ro rej jokwe ilo Jerusalem, Jetōb in aenōmman im kajjitōk. Im renaaj reitok ñan Eō, Eo raar wākare. Im renaaj liaajļo] kōn E āinwōt liaajļo] kōn juon jitōnbōro, im enaaj ļap aer jañ kōn e āinwōt kōn jañ kōn maanje.

[11] Ilo raan eo enaaj wor juon liaajļo] eļap ilo Jerusalem āinwōt liaajļo] an Hadadrimon ilo komla] an Megidon.

[12] Im āneo enaaj liaajļo], jabdewōt baamle ippān make; baamle an mōn Devid ippān make, im liṃaro pālier ippaer make; baamle an mōn Netan ippān make, im liṃaro pālier ippaer make;

[13] Im baamle an mōn Livai ippān make, im liṃaro pālier ippaer make; im baamle eo an ro ri Shimeai ippān make, im liṃaro pālier ippaer make;

[14] aolep baamle ko rej pād wōt, jabdewōt baamle ippān make, im liṃaro pālier ippaer make.

ZEKARAIA – JEPTA 13

[13.1] “Ilo raan eo enaaj wor juon unin dān e peļļok ñan mōn Devid im ñan ro rej jokwe ilo Jerusalem, im enaaj kōn jerōwiwi im ettoon.

[2] Im ilo raan eo,” Jeova in inelep ej ba, “Inaaj bukwe etan ekjab ko jān āneo, im re ban bar keememeji. Kab, Inaaj joļok ri kanaan im jetōb ettoon jān āneo.

[3] Im eļañņe juon ej rikaniņ wōt, jeman, im jinen eo ear keotak e, ranaaj ba ñan e, ‘Kwō ban mour, bwe kwar kwaļok riab ilo etan Jeova.’ Im jeman, im jinen eo ear keotak e, renaaj wākare ñe ej rikaniņ.

[4] Im ilo raan eo, ro rej rikaniņ, jabdewōt iaer, renaaj jook kōn vision ko aer ñe rej rikaniņ. Im re ban kōņak nuknuk kooļoļ bwe ren moņ.

[5] Im enaaj ba, ‘I jab juon ri kanaan. Ņa juon ri atake, bwe āindein ar katakin eō jān ke iar dik.’

[6] Ak juon enaaj ba ñan e, ‘Ta kinej kane ikōtaan peōmi?’ Innām enaaj ba, ‘Eņōj maņ eō ilo mōn ro mōtta.’

[7] Kwōn ruj, jāje, ñae Seperd eo Aō im ñae Armej eo epaak ñan Eō,” Jeova in inelep ej ba. “Kwōn maņ Seperd eo, im sip ko renaaj jeplōklōk, im Inaaj ukōt Peiō ñan ro re dik.

[8] Ilo aolepen āneo,” Jeova ej ba, “Renaaj bukwe ruo mōttan, im renaaj jako; ak mōttan eo kein ka jilu enaaj pād wōt ilo e.

[9] Im Inaaj āñinļok mōttan jilu eo ilo kijeek, im Inaaj karreoik er āinwōt rej karreo silver. Im Inaaj mālļejoņ er āinwōt rej mālļejoņ gold. Renaaj kūr ñan Eta, im Inaaj uwaak er; Inaaj ba ‘Rej ro doō,’ im renaaj ba, ‘Jeova ej ad Anij.’”

ZEKARAIA – JEPTA 14

[14.1] Lo, raan in Jeova ej itok ñe renaaj ajej men in rakim eo aņ iolapemi.

[2] Bwe Inaaj kokweilōktok aolep aelōñ ko ñae Jerusalem ñan tariņae. Im renaaj bōk jikinkwelok eo im rakimi moko im koķkure kōrā ro. Im jimattan jikinkwelok eo enaaj etal ñan jipokwe, im ro jet ian armej ro re ban etal jān jikinkwelok eo.

[3] Innām Jeova enaaj etal im tariņaek aelōñ kein, āinwōt An tariņae ilo raan in bata.

[4] Im ilo raan eo, neen renaaj jutak ioon toļ Olivet eo ej iņaan Jerusalem I reear. Im toļ Olivet enaaj kōk ioļapen jān reear ñan rilik kōn juon koņlaļ eļap. Im jimattan toļ eo enaaj e maķut ñan eaņ im jimattan ñan rōk.

[5] Im koņ naaj ko ilo koņlaļ an toļ ko Aō, bwe koņlaļ in tol ko enaaj tōpar Azel. Aet, koņ naaj ko āinwōt koņ ar ko jān iņaan maķūtkūt laļ eo ilo raan ko an Uzzaia, Kiņ in Juda. Innām Jeova aō Anij enaaj itok, im aolep ro re kwōjarjar Ippān!

[6] Im ilo raan eo, enaaj ejjeļok meram; men ko re aiboojoj renaaj marok ļok.

[7] Im enaaj juon raan ejej uwaan eo Jeova wōt e jeļā kake; enaaj ejjeļok raan ak boņ. Ak ilo jota enaaj wor meram.

[8] Im ilo raan eo, dān ko dān in mour renaaj diwōjļok jān Jerusalem; jimattan ñan loņaļo reear im jimattan ñan loņaļo I kapilōñ; enaaj āindein ilo iien rak im aņōneaņ.

[9] Im Jeova enaaj Kiņ ioon aolepen laļ. Ilo raan eo enaaj ejjeļok ijellokūn wōt Jeova, im Etan āt eo wōt.

[10] Aolepen āneo enaaj oktak ñan juon āne piken wõt juon, jãn Geba ñan Rimmon, tu rök in Jerusalem. Ak Jerusalem enaaj utiej wõt im päd ilo jikin, jãn kōjām eo an Benjamin ñan jikin kōjām eo Mokta, ñan kōjām eo Kona, im jãn mweo e utiej an Hananel ñan jikin joniök wain an kiñ eo.

[11] Im armej renaaj jokwe ilo e, im e ban bar wor jeepeplok. Im Jerusalem enaaj päd ilo ejjelok uwōta.

[12] Im eñin nañinmej eo Jeova enaaj man aolep armej kake – ro raar tariṇaek Jerusalem: kanniōkeir enaaj kōt ke rej jutak ioon neir, mejeir renaaj kōt ilo roñ ko aer, im loier renaaj kōt ilo loñier.

[13] Im ilo raan eo, juon lōlñōñ eḷap jãn Jeova enaaj ioer. Im jabdewōt armej enaaj jibwe pein ri turin, im renaaj jumae doon.

[14] Im Juda barāinwōt enaaj tariṇae ilo Jerusalem; im renaaj ainitok mweiuk ko an aolep aelōñ ko ipelāakin: e kanooj lōñ gold, im silver, im nuknuk.

[15] Im enaaj wor juon nañinmej āinwōt nañinmej in ioon kiria ko, mul ko, kamel ko, donkey ko, im aolep men in mour ko rej päd ilo camp ko.

[16] Innām aolep ro rej päd wõt jãn aolep aelōñ ko me raar etal ṇae Jerusalem renaaj wanlōñlok jãn iiō ñan iiō bwe ren kabuñ ñan Kiñ eo, Jeova in inelep, im bwe ren lale kwōjkwōj in mōn kōppād ko.

[17] Im jabdewōt eo jãn baamle ko an laḷ e jab wanlōñlok ñan Jerusalem bwe en kabuñ ñan Kiñ eo, Jeova in inelep, e ban wor wõt ioer.

[18] Im eḷañne baamle in Ijpt e jab wanlōñlok im itok, e ban wor wõt ioer. Eñin naaj jorrāan eo Jeova enaaj man aelōñ ko kake, ko re jab wanlōñlok bwe ren lale kwōjkwōj in mōn kōppād ko.

[19] Eñin naaj kaje an Ijpt im kaje an aolep aelōñ ko re jab wanlōñlok bwe ren lale kwōjkwōj in mōn kōppād ko.

[20] Ilo raan eo, naan kein, “Kwōjarjar ñan Jeova,” renaaj ioon bell ko an kiria ko. Im ainbat ko ilo mōn Jeova renaaj āinwōt jāpe ko imaan lokatok eo.

[21] Im aolep ainbat ko ilo Jerusalem im Juda renaaj kwōjarjar ñan Jeova in inelep. Im ro rej katok renaaj itok im bök jet iaer im kōmat ilo er. Im ilo raan eo e ban bar wor ri Kenan ilo mōn Jeova in inelep.

MALAKAI

MALAKAI – JEPTA 1

[1.1] Lomijen Naan in Jeova ñan Israel, eo kōn Malakai:

[2] “Iar yokwe kom̄,” Jeova ej ba. Ak kom̄ij ba, “Ekōjkan Aṃ yokwe kōm?” “Isṓ ear jab jein Jakob ke?” Jeova ej ba. “Im Iar yokwe Jakob.

[3] Ak Iar dike Isṓ, im Iar likūt toḷ ko an bwe ren jeepeḷḷok, im jolōt eo an juon jikin jakal ko an āne jemaden.”

[4] Idom e maroñ in ba, “Eṃōj kajeepeḷḷok kōm, ak kōm naaj roḷ im bar kalek ijo ko re jorrañ.” Ak āindein an Jeova in inelep ba, “Re maroñ kōkal, ak Ña, Inaaj jolaḷḷok. Naaj ṇa etaer, ‘āne eo e nana,’ im ‘armej ro Jeova ej illu ippaer ñan indeeo.’

[5] Im mejemi renaaj loe, im kom̄ naaj ba, ‘Eḷap Jeova ñan ijo ettoḷḷok jān Israel.’

[6] Juon nejin ej koutiej jeman, im juon ri karijer ñan irooj eo an. Innām eḷaññe Ña Jemami, ewi Aō utiej? Im eḷaññe Ña Irooj, ewi Aō mijak?” Āindein an Jeova in inelep ba ñan kom̄, pris ro rej kōtrāe Eta. “Ak kom̄ij ba, ‘Ekōjkan am kōtrāe Etaṃ?’

[7] Kom̄ij letok ṃōñā ko rettoon ion lokatok eo Aō. Ak kom̄ij ba, ‘Ewi wāween am kattoon Eok?’ Kōn ami ba, ‘Tebōḷ an Jeova ej men in jekdoḷon.’

[8] Ñe kom̄ij bōktok men in mour ko re pilo ñan katok, e jab nana ke? Im ñe kom̄ij boktok men ko re kūrro im nañinmej, e jab nana ke? Kom̄win leḷok kiiō ñan irooj eo ami. Enaaj ṃōḷḷō kake kom̄ ke? Ak enaaj bōk kom̄ ke?” āindein an Jeova in inelep ba.

[9] “Im kiiō, jouj im akweḷap ippān Anij bwe En jouj ñan kōm. Kōn juon men in leḷok rōt in, Enaaj bōk kom̄ ke?” āindein an Jeova in inelep ba.

[10] Yokwe bwe en wor juon iami eo enaaj kiili kōjām ko bwe kom̄win jab katil kijeek ion lokatok eo Aō ilo ejjeḷok tokjān! I jab ṃōḷḷō kake kom̄,” Jeova in inelep ej ba, “im I ban bōk juon men in letok jān peōmi.

[11] Bwe jān tak aḷ ñan tuḷoken, Eta enaaj ḷap ibwiljen ro ri aelōñ ko. Im ilo aolep jikin renaaj kakaijurjur im letok jortak erre eo ilo Eta, bwe Eta enaaj ḷap ibwiljen ri aelōñ ko,” Jeova in inelep ej ba.

[12] “Ak kom̄ij kattoon e ilo ami ba, ‘Tebōḷ an Jeova ettoon, im leen im ṃōñā ko an re nana.’

[13] Im kom̄ij ba, ‘Lo, enañin kaṃōkṃōk!’ im kwōj kāātet im kajekdoḷon e,” Jeova in inelep ej ba. “Im kom̄ij bōktok men ko eṃōj kekel er, im ko re kūrro, im ko re nañinmej, im kwōj bōktok er āinwōt men in jurtak! Eṃṃan ke bwe in bōk er jān peōmi?” Jeova ej ba.

[14] E lia armej eo ri ṃoḷ, eo elōñ an koṃaan ilo bwij eo an, im ej kallimur in letok e, ak ej katok kake juon men in mour e nana ñan Jeova. Bwe Ña juon Kiñ Eḷap,” Jeova in inelep ej ba, “im rej mijak Eta ibwiljen ri aelōñ ko.”

MALAKAI – JEPTA 2

[2.1] “Im kiiō, kien in ej ñan kom̄, pris ro.

[2] Im eḷaññe kom̄ij jab pokake im jab likūt ilo būruemi bwe kom̄win leḷok aiboojoj ñan Eta,” Jeova in inelep ej ba. “Im Inaaj jilkinwōj lia iomi, im Inaaj kaliaik jeraamṃan ko ami. Aet, eṃōj Aō kaliaik er, bwe kom̄ ar jab likūti ilo būruemi.

[3] Lo, Inaaj kauwe ineōmi, im Inaaj likūt kubwe ioon mejemi, kubwe in kwōjkwōj ko ami. Im renaaj bōkļok koṃ kōn e.

[4] Innām koṃ naaj jeļā bwe Iar jilkinwōj kien in, bwe bujen eo Aō en ippān Livai,” Jeova in inelep ej ba.

[5] “Bujen eo Aō ippān ear kōn mour im aenōmṃan, im Iar liļok i ñan e bwe en mijak, im ear mijak Eō, im ear lōļņoñ kōn Eta.

[6] Katak e mool ear ilo loñin, im raar jab lo nana ilo tien. Ear etetal Ippa ilo aenōmṃan im jīmwe, im ear ukōt elōñ jān nana.

[7] Bwe tien pris ren kōjparok jeļāļokjeṃ, im armej ren pukōt kien eo jān loñin, bwe e ri jelōk an Jeova in inelep.

[8] Ak koṃ, koṃ ar jeorļok jān ial eo; koṃ ar katipñōl elōñ kōn katak ko ami. Koṃ ar kōkkure bujen eo an Livai,” Jeova in inelep ej ba.

[9] “Innām Ña, Iar kōmṃan bwe koṃwin ettā im armej ren kōtrāe koṃ, bwe ejjeļok iami ear kōjparok ial ko Aō, ak koṃ ar kalijekļok ilo katak ko ami.

[10] E jab juon wōt Jemad ke? E jab juon wōt Anij Eo ear kōmṃan kōj ke? Etke jej kōmṃan moṃ, jabdewōt ippān jimjein jimjaten kōn ad kōkkure bujen an ro jimṃad?

[11] Juda ear kōmṃan moṃ, im eṃōj kōmṃan men in kajōjō ilo Israel. Bwe Juda ear kananaik mweo ekwōjarjar an Jeova eo Ej yokwe, im ear pālele ippān jiroñ eo nejin juon anij ruwa.

[12] Jeova en bukwe jān im nuknuk ko an Jakob armej eo ej kōmṃan men in, eo ej ruj im uwaak, ak eo ej leļok juon jortak ñan Jeova in inelep.

[13] Im eñin bar juon men: koṃij joone lokatok an Jeova kōn dānnin kōmjaalaļ im jañ im liṃō, bwe E jab bar reiļok ñan jortak eo ak bōk e jān peōmi.

[14] Ak koṃij ba, “Etke?” Kōnke Jeova E juon Ri Kōnnaan ikōtaṃ im lio pāleōṃ jān ke kwar likao, eo kwar kōmṃan nana ñan e; im e mōttaṃ im lio kwar kōmṃan bujen ippān.

[15] Im ear jab kōmṃan erro juon wōt ke? Im men in jetōb ej An. Im etke juon? Ej pukōt ineen ekwōjarjar. Innām koṃwin lale koṃ, im ejjeļok en kōmṃan nana ñan lio pāleen jān ke ear likao.

[16] Bwe Ij dike jepel.” Jeova in inelep, Anij in Israel, ej ba, “im eo ej kalibubuki nuknuk eo an kōn kowadoñ,” Jeova in inelep ej ba. “Innām koṃwin kōjparok koṃ im jab kōkkure.

[17] Koṃ ar kaṃōk Jeova kōn naan ko ami. Ak koṃij ba, ‘Ewi wāween am kar kaṃōk E?’ Ilo ami ba, ‘Jabdewōt eo ej kōmṃan nana, eṃṃan ilo mejān Jeova, im E mōṃoṃō kake er,’ ak ‘Ewi Anij in ekajet jimwe?’”

MALAKAI – JEPTA 3

[3.1] “Lo, Inaaj jilkinwōj rū jelōk eo Aō, im enaaj kapoj ial eo Iṃaō. Im Irooj, Eo koṃij pukōte, Enaaj itok ñan tempel eo an ilo iien e mōkaj; im Rū jelōk an bujen eo, Eo koṃij mōṃoṃō kake, lo, Enaaj itok,” Jeova in inelep ej ba.

[2] “Ak wōn e maroñ pād ilo raan in An itok? Ak wōn e maroñ jutak ñe Ej jade? Bwe Ej āinwōt kijeek eo an juon eo ej kaunļok, im āinwōt soap an juon ri kwaļkōļ.

[3] Im Enaaj jijet āinwōt juon ri kaunļok im ri karreo silver, im Enaaj karreoki ro nejin Livia, im Enaaj karreo er āinwōt gold im silver. Innām renaaj leļok ñan Jeova jurtak re kwōjarjar.

[4] Im jurtak an Juda im Jerusalem enaaj men in mōṃoṃō ippān Jeova. Im enaaj āinwōt ilo raan ko mokta im iiō ko re mootļok.

[5] Im Inaaj kepaak kom bwe In ekajet. Im Inaaj juon eo enaaj mōkaj in kōnnaan ñae ri madmōd im ri ļōñ im ro rej riab ilo aer kallimur, im ñae ro rej kamatōrtōr eo ej jermal bwe en bōk oñean, im kōrā e jako pāleen, im atajinemjen, im eo ej kajeor ruwamāejet, im ro re jab mijak Eō,” Jeova in inelep ej ba.

[6] “Bwe Ña, Jeova, I jab oktak; innām kom, ro nejin Jakob, komij jab jako.

[7] Bwe jān raan ko an ro jemami kom ar oktak jān kien ko Aō, im kom ar jab kōjparoki.

Komwin roļ ñan Ippa, im Inaaj roļ ñan kom,” Jeova in inelep ej ba. “Ak komij ba, ‘Elmān am naaj roļ?’

[8] Juon armej enaaj kojt jān Anij ke? Ak kom ar kojt jān Eō! Ak komij ba, ‘Elmān am kojt jān Eok?’ kōn juon mōttan joñoul im men in letok ko.

[9] Emōj liaakļok kom kōn juon lia, bwe kom ar kojt jān Eō – aolep aelōñ eo ami.

[10] Komwin bōktok aolepen mōttan joñoul eo ñan mōn kakoņkoņ eo bwe en wor mōñā ilo mweo Imō; im komwin mālļejoñ Eō kiiō ilo men in,” Jeova in inelep ej ba, “eļāññe I jab kapeļļok wūntō ko an lañ im lutōkļok jeraamman ñan kom mae iien enaaj ejjeļok aikuļ.

[11] Im kōn kom, Inaaj kauwe eo ej mōña, im e ban koķkure leen āneo. Im vain eo ilo meļaaļ e ban kowutļok leen,” Jeova in inelep ej ba.

[12] “Innām aolep aelōñ ko renaaj ba bwe kwō jeraamman, bwe āneo āneōm enaaj jikin emman,” Jeova in inelep ej ba.

[13] “Naan ko ami raar lāj ñae Eō,” Jeova ej ba. “Ak komij ba, ‘Ta eo kōm ar ba ñae Eok?’

[14] Kom ar ba, ‘Ejjeļok tokjān jermal ñan Anij. Im ewi wāween an kar jipañ kōm ke kōm ar kōjparok naan in jiroñ ko An im etetal imaan Jeova in inelep im liṃō?

[15] Ak kiiō, kōmij watōk ro ri juwa jeraamman. Kab ro rej kōmman nana re kajoorļok, im ro rej mālļejoñ Anij, ejjeļok aer kaje.”

[16] Innām ro raar mijak Jeova raar kōnono ippān doon. Im Jeova ear eļļok im roñ. Im raar je juon bok in keememeļ imaan kōn ro raar mijak Jeova im ļōmņak kōn Etan.

[17] Im renaaj Aō,” Jeova in inelep ej ba, “ilo raan eo ñe Ij kōmman mweiō e aorōk. Im Inaaj kōtļok er āinwōt an juon emmaan ej kōtļok nejin eo ej jermal ñan e.

[18] Im kom naaj bar lo oktak eo kōtan ro re wānōk im ro re nana, im kōtan eo ej jermal ñan Anij im eo e jab jermal ñan E.”

MALAKAI – JEPTA 4

[4.1] “Bwe lo, raan eo ej itok, enaaj bwil āinwōt juon upaaj. Im aolep ro re juwa im aolep ro rej kōmman nana renaaj āinwōt menōknok; im raan eo ej itok enaaj tile er,” Jeova in inelep ej ba. “Eban pād wōt okar ak ra ñan er.”

[2] Ak ñan kom komij mijak Eta, aļ in wānōk enaaj tak, im enaaj wor kemour ilo pein. Im kom naaj diwōjļok im ekāke āinwōt koņ in kau ko emōj kōtļok er jān jikier.

[3] Im kom naaj juri ro ri nana, bwe renaaj āinwōt melkwaarar iumwin neōmi ilo raan eo ñe Ij kōmman men kein,” Jeova in inelep ej ba.

[4] Komwin keememeļ kien eo an Moses, ri karijera, im naan in jiroñ im ekajet ko Iar jiroñ e kaki i Horeb kōn aolepen Israel.

[5] Lo, Inaaj jilkinwōj Ilaija, ri kanaan eo, moķta jān an itok raan eo eļap im kamijak an Jeova.

[6] Innām enaaj ukōt būruen jemeir ñan ro nejier, im būruen nejeir ñan ro jemeir, ñe ab Ij itok im kaliaik āneo.